

平利縣志 上卷

170.191
34
1-2

平利縣志序

志乘之作昉自周官內以脩臣工考鑑之資外以
太史輔軒之採由來舊矣我

朝

聖聖相承重熙累洽雍正七年

詔天下各修省志用昭車書一統之盛誠鉅典也然而山
川人物之殊情草木蟲魚之異質亦有囿於方隅各
產其秀歷經歲序遞呈其奇或此是而彼非或昔無
平利縣志序

而今有是以各邑皆自為志蓋其潤色鴻猷而為一
代掌故者所關豈緊微哉平利本金提舊域上扼江
漢控連楚蜀廣袤六百餘里而白土一關尤為關中
屏翰其山則錦屏女媧石梁大頂了角花池諸峯巒
水則黃洋太平龍泉石牛嵐牙灌月諸溪壑而
國家定鼎以來漸仁摩義民安耕鑿士沐詩書此中豈
無名賢碩士善俗懿行可以信今而傳後者表山川
之靈異增邦國之光華無如典冊無聞考稽莫據以

國



致其人其事多淹沒而不彰吁良可慨已黃君宰是邑甫二載輒毅然以為已任訪得前令所為創稿本益肆力蒐羅重加攷証而增輯之旋自捐資付剞劂以余方承

命陳臬三秦則明刑弼教詢俗觀風亦與有責焉書成請序於余披閱之下竊歎士人服古入官一旦身膺民社則凡貢賦之繁簡食貨之良楛習尚之淳漓利弊沿革之臧否胥惟志是賴苟若文獻無徵於政奚補平利縣志序

然則是書也不特可以見黃君之留心經濟迥非俗吏之所為亦可俾後來蒞斯土者按其田賦戶役物產民風不啻列眉指掌無事他求且前此之幽潛闡揚不能多得嗣是人心觀感孺立頑興則教孝勸忠蒸蒸日臻於上理斯黃君之功殆未可量至若弔古興懷登高作賦或摘芳而採藻悉鏘玉而鳴珠猶其餘事耳喜而為之序

乾隆貳拾壹年歲次丙子仲秋陝西西安等處提刑

按察使司按察使加一級紀錄二十二次塔永寧撰

平利縣志序

平利縣志序

邑之有志固云傳信而信不易言覽山川
之勝別物土之宜文教興替習尚醇薄政
治夫得悉於是乎在先自能信而後志有
可傳相時度地因俗制宜呈材利用邑宰
將援是以資治而省方觀民與有其責者

平利縣志

序

不及時巡得一披閱而風景瞭然志之所
闕大矣哉乎邑分建自古名雖屢更如集
所撰亦不失為形勝之區何居乎志之獨
未有傳也因循至今黃君於政事之餘能
毅然舉前令之所有志未逮者手編成帖
其留心於吏治民生殆甚深且遠矣叙次

工拙當非所計乃搜羅也最博考核也最
精徵引也最詳編訂也最細圖繪也最明
其出詞吐氣行文也又最古於志已早自
信矣作邑之顛末既熟料可區畫如意全
境之曲折畢悉自爾經緯從心匪但名賢
貴胃當事艷之思以度越前人發潛德顯

幽光俾一邑之內士知所奮民知所感風
化將得因之以漸幾乎上理余愛之重之
不欲以志取傳信襲卷帖牙慧剪紅刻翠
而曾無解於衍文也政成三異績紀千波
後之信今亦如今之信昔昔無傳而賴有
傳今可傳而益並傳矣序而弁焉竊願為

拭目以待

乾隆貳拾年歲次乙亥孟夏穀旦陝西分
巡漢興道加三級紀錄十次昆明魏崙撰



平利縣志

序

平利縣志序

甲戌冬世垣奉

簡命來守金州會平利尹蘭陵黃君纂修邑志
甫脫藁謂余有此土之寄也手一編問序
余惟

國家重熙累洽一道同風平利古吉陽地雖

平利縣志

序

一

僻在山隅而幅員遼濶廣袤且六百餘里
咏沐

膏澤民氣蒸蒸日上向使文獻無徵採擇罔
據奚以彰往昭來裨益政教歟今黃君所
輯簡而明典而核要約而不泛舉凡六百
里中版圖之登耗田賦之贏縮民情土俗

之奢儉淳漓與夫人官物曲詩書誦絃之
良楷興替靡不一展卷而瞭如指掌然則
茲志之修寧欲鋪張名勝粉飾觀瞻也哉
固將考其登耗者察其贏縮者權其奢儉
淳漓審其良楷興替者因而興革激揚勸
懲移易於其間以之彰往以之昭來以之

布令而成教化斯誠黃君之心也夫抑亦
余之心也夫是為序

賜進士第奉直大夫知興安直隸州事德水
李世垣撰



平利縣志總目

分野有圖

疆域程途附

建置

形勝有圖

城池

山川

古蹟

平利縣志

目錄

關梁津渡附

公署

學校

祠廟

田賦

倉儲

戶口

堤堰

兵防

職官

選舉

將材

仕籍

名宦

人物

孝義

平利縣志

列女

風俗

土產

災祥

藝文

目錄

二

修平利縣志序

縣有志傳信也自諸大縣志外以地偏而泛以世遠而誣以邑小而畧皆非傳信也夫民人社稷各縣所同覘天文察地勢辨物產攷人情表風會勿以僻壤殊也平利於秦省僻在山隅寬初蒞茲土首詢縣志闕如也多方檢覓得前兩邑令稿本皆未有成書也竊思邑於明末疊經兵火典故蕩然至我

朝康熙十八年鑄印授官以來沐浴

平利縣志

序

三

聖澤乂益深厚民得優游化日戶口漸增乃志乘勿講曷以顯

皇仁也昭

憲德也編纂之役詎敢憚勞雖曰管窺曰蠡測恐置緩圖將并此管蠡無之也訂為二十八則亟授梓人務覈其真務核其切務脩其綱弗敢泛也弗敢誣也弗敢畧也至於美善則竊有待也

乾隆二十年孟春月穀旦

知平利縣事黃寬謹序



平利縣志

序

四

凡例

平邑向無刻本志書茲訪取前邑令主名霍古名
澧草創稿本重加搜輯不敢誇多期於徵信踵事
增補統俟將來

一歷朝典故因兵燹後蕩無孑遺一切名宦鄉賢節
孝俱歸泯沒人物中僅傳明末羅公世濟一人崑
岡之火良玉皆燼紀載及此徒深慨歎

一節烈成例必經具一題者方載入志但深山窮谷
平利縣志

凡例

五

之家自行其志幾忘闡揚大典而有風化之責者
所宜亟為表彰茲特訪其衆論允協并經前令給
匾者附載入志俾邑人共仰潛德幽香卓堪不朽
一邑中前代藝文悉已失攷僅錄出碑文二首與安
州志跋一首以同吉光片羽

黃寬謹識

分野

井宿兼翼軫分野

知縣黃寬謹按天文志前漢地理志並稱井鬼屬秦而州志王州守論曰天文家云井宿右四星屬川西左四星屬全秦諸郡縣與安僻處一隅不過與商洛數百里僅屬井宿在第一星但攷州志云州在秦之南分野應入井鬼之次兼翼軫之分野以其在秦楚之交也等語况平利

平利縣志

卷一 分野

一


又在州之東南前邑令王霍云平利東與湖廣鄖陽府之竹谿縣連界鄖郡分野乃翼軫也南與四川夔州府之大寧縣連界夔郡分野乃翼軫也宜從翼軫為是合綜諸說邑似與翼軫涉應從井宿兼翼軫之分野以俟攷証焉

平利縣志


卷一

二

井宿



翼宿



軫宿



疆域程途附

按縣境在州南少東九十里東西廣二百一十里南北袤一百一十里東一百五十里至白土關壩抵湖廣竹谿縣界南五百七十里至鷄心嶺抵四川大寧縣界西五十里至狗脊關抵興安州界北四十里至高皇山界牌石抵興安州界東南二百五十里至固城洞南江河抵湖廣竹谿縣界東北一百六十里至大頂山係湖廣竹谿縣本州洵陽縣三屬交界西北平利縣志

卷一 疆域

三

三十里至子房河抵興安州界西南二百六十里至花池嶺抵四川太平縣界

西至興安州九十里北至省城由興安州洵陽縣鎮安縣山陽縣藍田縣驛路至西安府八百九十里由興安鎮安出大泥峪抵西安府七百四十里西至漢中府驛路抵府七百七十里北至

京由水路自興安州至湖廣襄陽府樊城轉由河南陸路水陸共四千五百三十里由西安山西陸路共